



女蘿亭詩稿卷五

阮唐慶雲古霞

甲戌上元日秋菊數枝與春蘭同供

正月秋花染淡黃
竟同蘭蕊鬪芬芳
春回晚節還爭詠
暖引寒英再放香
籬下殘枝真隔歲
案頭清供似重陽
上鐙莫道無佳色
幾朶花開半載長
月莊姊畫牡丹長春花祝
夫子五旬壽因

題幅中

畫錦堂中福祿宜
合將彩筆慶繁釐
花添富貴成

名畫卉借長春作祝祠稱壽試鐙佳節後奉觴開
印早春時建牙故里誰相似惟有韓公畫錦詩

雪後早春

寒餘樓外啟朝陽雪後閑吟步曲廊幾剪東風裁
峭冷一絲春意醒垂楊晴銷簷滴猶疑雨暖散冰
花似有香莫訝韶光今尙淺漸看新綠上苔牆

春寒

春到人間暖未融尋詩且向畫欄東陰雲冉冉收
晴日嬌鳥啾啾話晚風淺草有情翻舊綠小桃無

力引新紅餘寒料峭簾前緊不似江南二月中

春草和書之宜人原韻

芊芊一片接殘梅和雨和風繡薄埃遠近池塘隨
水綠淺深門徑帶烟開夢尋詩思西堂去青向簾
痕陋室來料得蕪城寒食節珊珊遊女踏春回

原韻

暖入淮南半落梅柔香浮動淨塵埃新烟渺渺
連天遠曉日萋萋拂露開詩夢幾番人未覺裙
腰一道燕初來枯榮慣是年年見陌上車痕去

復回

春雨

江南三月雨絲輕斜逐東風下碧城曲徑花愁春
晚晚小樓人聽夜分明暗添池水寒猶重細潤苔
階夢亦清怪道溼雲飛不起禁烟節近銷新晴

寄答曲江亭者香器之愛蘭夫人暨竹淨浣

桐女史卽和原韻

停雲懷伊人間愁逐雲去朝接墨雲箋似與諸君
遇千里共春風賞心寄尺素料應日落時情搖江

上樹

偶成三分卍字詩三分者以第四句首字分
三字為第一二三句首字

也卍字者以二十四字寫為卍字以第四
句首字為卍字之心第一二三句首字亦
從中心分出寫為卍字合第四句首字亦
二十五字為七絕一首也

木蘭齊放正春風門掩濛濛細雨中東去黃鸝西

去燕欄干十二小桃紅欄字

玉香鞋子踏花來白粉園牆曲折回石徑無人清

晝永碧桃開後紫藤開碧字

人坐槐庭綠滿衣山家風景想依稀佳時又過三

春月催落殘紅一片飛

催字

水邊花落淨香塵曲檻清和夏木新辰巳時間烘

日影濃于秋色淡于春

濃字

草色侵階半落花四圍綠樹影斜斜維揚最與清

淮近蘿石松亭是我家

蘿字

舟至常州阻淺未至蘇州感憶

蘭陵行淺忽傷情倦倚篷窗望遠程千里書函遲

朔鴈一番涕淚灑江城原期

慈母言離緒那想

輕帆滯月明却是農田皆苦旱回船且向大江行

江行漫興

江行忽過蘆荻洲洲前驚起雙白鷗水窗一片暮

潮動蒼然染出江心秋秋風嫋嫋波渺渺高低白

浪催我舟我舟才過西山北南山不覺來前頭蒲

帆出沒指顧裏心雖恐怯還貪遊回頭偶憶隔宵

句杜陵波浪兼天流

彭澤江行

清曉放輕舟滄波日夜流長江九派闊過客一帆

秋窗動疑山走雲迴覺岸浮遙天渺無際飛鴈去

悠悠

船窗望小孤山

崢嶸突兀聳蒼烟一角真山似畫懸百丈孤撐迴
白浪半空單秀倚晴天高擎絕頂安禪刹遍閱長
江過客船多少峯巒皆隔水看他獨立幾千年

題陳善畫白雲紅樹圖

雨晴花氣浮簾鉤白雲似在圖中流懸崖無根半
空起白雲紅葉遮高樓非霧非烟勢縹緲如帶雨
去搖峯頭欲雨未雨罩碧岫楓林一抹江南秋隱

者徘徊不出戶低頭把卷無閒愁小窗正對碧山
色秋光勃勃空中浮山頂丹青映斜照似霞紅處
空悠悠點筆題詩洒雲樹却疑身向深山遊

暮秋雨中

連朝又試細裘茸風雨瀟瀟飛鴈慵小別夢如秋
草亂遠心愁向暮雲衝帖宜常搨書還拙茶是重
溫味更濃未識行帷涼與暖書函言事手親封

初冬登滕王閣

仙人舊館壓芳洲四面窗光眾景收拈句欲酬千

古意登高剛及小春遊山開半壁青浮檻水捲雙
江白上樓此是子安欣賞處至今詞客總低頭

初冬遊百花洲

我向芳洲去西風拂翠裾柳隄秋水闊花墅晚烟
疎清磬湖邊寺鳴榔渡口漁闌干迴四面欣賞竟
何如

山林在城市風影畫圖中三徑曲還直一湖西復
東文窗圍窈窕虛閣做玲瓏若是春深處百花應
共紅

奉和 夫子冬至日雪窗原韻

莫道豫章暖寒如北地寒圍鑪簾不捲賡韻病初
安聞鴈閉愁細思鄉遠夢難豐年明歲好尺雪滿
江干

硯鏡

小鏡分明一片冰夜來傍硯色飛騰清光倒瀉琉
璃匣素彩斜翻雪月鐙低映石池華燭爇橫遮棊
几墨花凝詩人靜坐頻窺影蘸筆憐伊返照能

小坐

暖室垂簾小坐宜黃梅花放膽瓶枝鏡中消瘦經
秋病夢裏纏綿何處詩院靜却憐微雪後窗明更
好夕陽時人生莫感流光速不負流光便是遲

冬夜雪與孔靜聯句

虛窗人靜夜深寒翻却下簾櫳漏未殘鐙影紅搖
詩四壁點霰聲清聽竹千竿案頭讀畫頻開卷靜
囊裏收琴且罷彈共坐何愁風色緊點不妨密雪

壓迴欄

孔靜

登小樓望西山殘雪

登樓剛及早春節一桁西山窗外列新晴天氣接
欄干無數峯頭積殘雪冰花半散東風輕素影斜
翻眼猶瞥參差遠樹烟初開如對白雲自怡悅雪
色嵐光更幾層看到微茫露山缺此景依稀似畫
屏欲下樓枕未忍別淡白莫教紅日收詩成快煮
香茶啜

夜聽檐前消春雪聲

幽窗靜聽溜聲新月影鐙光問假真消盡冰簪搖
夢耳滴殘簷瓦洗梅身晴雲一片寒於水詩意三

暖室垂簾小坐宜黃梅花放膽瓶枝鏡中消瘦經
秋病夢裏纏綿何處詩院靜却憐微雪後窗明更
好夕陽時人生莫感流光速不負流光便是遲

冬夜雪與孔靜聯句

虛窗人靜夜深寒翻却下簾櫳漏未殘鐙影紅搖

詩四壁點霰聲清聽竹千竿案頭讀畫頻開卷靜

囊裏收琴且罷彈共坐何愁風色緊點不妨密雪

壓迴欄孔靜

登小樓望西山殘雪

登樓剛及早春節一桁西山窗外列新晴天氣接
欄干無數峯頭積殘雪冰花半散東風輕素影斜
翻眼猶瞥參差遠樹烟初開如對白雲自怡悅雪
色嵐光更幾層看到微茫露山缺此景依稀似畫
屏欲下樓枕未忍別淡白莫教紅日收詩成快煮
香茶啜

夜聽檐前消春雪聲

幽窗靜聽溜聲新月影鐙光問假真消盡冰簪搖
夢耳滴殘簷瓦洗梅身晴雲一片寒於水詩意三

更淡不春莫訝小樓如聽雨明朝未有賣花人

分元人梅花百詠題得十七首

四庫未收唐宋元遺書不少夫子采訪一百餘種進呈

御覽乙亥夏在吳中鈔得元板元韋珪梅花百詠一卷前有楊維禎序讀之甚爲可喜但其詩皆是七絕因隨夫人以五律分詠之余分得十七首

早梅

早梅初放處木葉正凋殘
楚楚回春意盈盈破歲
寒一枝林外見十月嶺頭看
粉蝶何曾覺攀條倚
曲欄

評梅

小閣評梅處寒林自短長
看花遙指點拈筆費商量
畫意兼詩意心香與骨香
待將晴雪後還去問
平章

移梅

竹外寒梅密分栽雪後天花將
苔並換香與月同
遷更好南窗下依然白石邊
舊林莫惆悵春到又
今年

老梅

莫道梅枝老花開粉尙新禽窺香古樸雪鍊骨精
神半倚穿欄竹常如策杖人前生清淨好耐冷不
爭春

夢梅

昨夜參橫後梅花夢裏思分明尋瘦影彷彿繞高
枝枕覺香風遠心憐月色宜羅浮人去也樹底覓

新詩

惜梅

我愛疎梅好扶持待早春只宜橫淡影未許落輕

塵深夜愁寒重清晨護粉新莫教吹玉笛畱伴詠
花人

杏梅

疎梅標別種花與杏相同芳艷亂春色清香疑晚
風肌嫌微雪白粧借夕陽紅更好圍牆外一枝開
向東

矮梅

矮梅花漸放未得映簷楹香好迴欄亞枝難小閣
橫牆高人不見月白影低生莫笑孤根短常同書

案平

黃梅

料得黃梅熟，閒從葉底窺。
風迴隨鳥墮，雨過帶烟垂。
香湛春歸後，酸迎人渴時。
却憐天氣暖，盧橘也同枝。

解舍梅

解舍寒梅樹，花開三徑深。
散衙留雪影，歸院引霜禽。
野館香頻繞，長亭冷未禁。
此間清趣好，還有鶴同琴。

前村梅

登樓間望處，梅樹出前村。
風遠香無際，花遮雪有痕。
竹牆藏素影，草閣護冰魂。
野色人稀到，誰家住此園。

未開梅

小庭梅未放，一樹自橫斜。
雪氣深含蕊，烟光半弄花。
暗香如已動，高格莫先誇。
幾度攀何得，山巔復水涯。

鹽梅

女蘿亭詩和卷五
自古鹽梅重酸鹹味許同尙書傳傳說詩句見沂
公爲有調羹用休誇止渴功何人能稱此千載築
巖中

書窗梅

窗下梅枝好牙籤亂葉聞香飄簾四面色借紙三
分寫影宜明月題詩愛夕曛微芬來鼻觀一半雜
清芸

照水梅

一畝方池畔梅花照鏡開影隨水水靜香引玉人

來倚檻翻新粉臨波洗薄埃月明枝更淨倒浸自
徘徊

乍開梅

數點疎梅放凌寒乍出牆雪晴初見影風過忽聞
香嫩蕊驚春色斜枝破夕陽却憐新粉薄日暖更
芬芳

紙帳梅

紙帳梅枝滿花光四面收重衾香似壓小閣影斜
畱雪蕊圍虛枕溪藤障半鉤深宵清夢遠彷彿繞

羅浮

山茶花

堦前小盃放山茶紅影搖窗似赤砂不是朝來着
春雪教人錯認石榴花

百花洲隨 夫人與孔靜聯句

沙隄高柳受東風景與官齋自不同四面湖光孤
嶼外夫人一春詩思百花中雲窗虛拓苔岑小古水
閣遙分竹徑通曲折迴欄皆倚遍翻欲歸還戀夕
陽紅古霞

春暮

月來猶著木棉裳庭院潭潭日已長舊句重吟三
疊韻幽窗清課一銖香殘花弄影邀新蝶小雨生
寒鎖夕陽最怕江城春事晚鳩聲處處足農桑

夏日

雜樹玲瓏小院清綠窗人靜午風輕疏簾不捲桃
笙淨卧聽新蟬第一聲

秋日遊百花洲

孤嶼疏林仙吏家芳洲雨後最清華暑消淺水殘

女界詩林卷五
三
荷葉秋入高亭早桂花山影稜生涼翠遠詩情搖
曳夕陽斜共憐風景遲歸去再試欄邊一砲茶

渡江買桂

爲向西山特放舟隔江買桂插齋頭若非香氣濃
薰透辜負金風一度秋

盆中白菊花一枝大如牡丹名之曰秋牡丹
寒英一朶占花頭小盞栽成白玉球可似天香三
月裏十分春讓十分秋

菊花

籬邊黃菊帶霜新淡淡斜陽最愴神詩意何因被
花惱西風消瘦捲簾人

冬夜

冬夜刪詩在小樓坐來初試薄茸裘玻璃窗透青
天色淡著梅梢月一鉤
小案垂鐙試翦煤人聲初靜鴈聲催重簾不遣清
寒到收拾詩情入夢來

冬閨

一穗名香小閣沈簾開庭樹自蕭森人從落葉聲

中瘦詩向夕陽樓外尋朔雁漫來催臘暮凍雲且
欲寄鄉心宦遊隨地年光改記取天寒蠡澤深

寒窗

窗深寒未到睡起不成娛夢境愁何遠詩情懶欲
無書香投玉茗梅意浸銅壺又是雪初釀燒松試
竹鑪

冬夜疊去歲雪窗韻

雪窗消夜永疊韻耐清寒民靜官方慰年豐
國自安何愁知己少莫怯報

恩難閱處還尋句憑君筆力干

春晚

綠陰低接綉簾斜小院無人自落花怪我年來詩
思減江南光景隔天涯
深沉官閣暖風輕吹盡浮雲書案明嬌鳥不愁春
欲晚碧桃花底說新晴

晚涼聯句

捲起湘簾月上初黃昏共坐一庭虛翻貪隨花影
頻移榻却避鐙光不看書點偶有檐風搖鏡馬忽

驚池水跳金魚翻晚涼滋味君知否比似文樓恐

未如古

丙子立冬後一日大梁得雪再疊雪窗圖韻
節氣梁園早初冬天已寒九江帆楫後一枕夢魂
安心靜吟纔易年豐政不難朝來賀新雪三拜學
方干

舟下襄陽

行過荆門路方知楚澤長峭帆倚風色迴岸抱川
光弄水漁人老貪程估客忙明妃村不遠萬壑下

襄陽

登黃鶴樓

登臨懷古萬帆收芳草斜陽滿渡頭楚澤烟波浮
大別江天風雨會高樓雲中黃鶴千年事城上梅
花五月秋那見飛仙欄外過一聲玉笛不勝愁

初夏寄夫子

小雨侵尋日乍收書函封寄語綢繆荆門山水三
春濕江表旌旗萬綠稠想有新詩題古蹟莫將多
事起煩愁要知赤壁登臨後兵艦齊歸黃鶴樓

初夏

茶烟縷縷漾簾波一片殘花奈若何飛絮不勝風
外轉好春可惜雨中過半宵夢境新詩遠竟日閒
心夕照多又是袂衣天氣暖綠陰依舊聽鶯歌

梧桐館

消暑來桐館徘徊未捲簾層陰蒸薄日涼翠濕高
檐清氣三窗滿疎香一院添依稀金井畔蟬翼動
梅炎

初夏隨

夫人與孔靜遊靄園

靄園風景足盤桓攬勝人來倚畫欄掛樹青蟲抽
作線開花彩蝶打成團江帆隱約過高閣城堞彎
環繞翠巒歸去莫教雲影黑雨催詩句夕陽殘

靄園聽蟬

靄園清夏最宜蟬萬綠參差一帶烟山僻簾疎詩
意遠風輕畫永樹陰圓韻流竹榭新涼外人在花
欄密葉前却是殘聲將咽處斷虹江上雨餘天

秋日東箭亭

老圃風高小坐宜閒中詩興夕陽知新蟲學語青

女蘿亭詩稿卷五
苔路瘦蝶尋秋紫豆籬花氣暗隨人到處茶烟低
颺雨來時宛然一片村莊意但少牛欄與釣絲

女蘿亭詩稿卷六

阮唐慶雲古霞

重過滕王閣

章江城外布帆開
蠡澤飛鴻去復回
最是宦遊無定處
滕王閣下又重來

曉度大庾嶺

梅花香庾嶺破曉到關前
蘿磴隨雲起松門趁鳥穿
有懷千載上俯看萬峰巔
行轉疑無路豁然開一天

廣州冬夜

鑪香幾縷裊窗紗曲几風生燭影斜回首寒簾閒
望處一番詩思又梅花

遲遲鐘漏夜初三新月懸鈎影半涵如此碧天雲
氣淡依稀風景勝江南

和夫人戊寅除夕原韻

同到羊城冬又殘喜逢佳節坐團欒幾番雨送春
無賴第一陽回臘漸闌寶炬影開金鏡朗梅花香
重玉瓶安今宵暖與中秋似桂馥桃紅竟未寒

春雨

春雨瀟瀟戶未開春遊閒却好樓臺合栽一桁蕭
森竹惜落千枝爛漫梅棲鳥初飛人欲起殘鐙已
盡夢方回江南書遠誰能寄可待濃花發後來

荔枝

才逢朱夏荔枝垂正是花田摘送時江綠雪紅千
里畫宋香陳紫兩家詩晶丸沁齒原無比玉液清
心許自知雖說嶺南尤物美啖三百顆也應疑

七夕立秋

又是珠江乞巧樓畫欄高壓碧城頭梭停玉渚雲
初掃槎轉銀河月乍流桐葉影疎三徑爽榆花光
滿一天秋可知海客船多少也向滄溟望女牛

題孔靜爲其嫂雲姜畫魚聽軒圖

拂拭焦桐香漸生冰泉滿室咽還鳴頗知我聽兼
魚聽更覺心清與跡清一曲頓分流水意七絃可
得古人情依稀樂似濠梁上袖繞鑪烟句恰成

己卯寒食寄夫子

禁烟時節落花催夢破樓西隱隱雷雲際幾番微

雨過林梢一片嫩晴開怕看燕壘新連舊却喜魚
書去復回知是柳江將返棹綠陰濃處望帆來

沉香琴

沉香幾尺削成琴雅韻偏宜鼻觀尋若使中郎到
南海不教焦尾獨知音

新種竹

數竿修竹翠烟籠破曉移栽小院東瀟灑正宜梅
子雨便娟猶怯柳條風梢分庭影添新綠根帶苔
痕憶舊叢怪道衛公偏愛汝平安日報洛園中

春夜

簾櫳捲起碧天涼
一片雲陰過曲廊
奇絕嶺南好
風景溶溶春月桂花香

庚辰初春偕孔靜六媛登越秀山臺

珠江舊說越王臺
懷古初春特地來
山勢遠將芳樹合
帆痕爭向夕陽開
雲橫蘿磴馬蹄滑
烟鎖石梯人影回
却似江南三月後
平山堂上摘青梅
絕頂寒消暖尙輕
人烟四面雨初晴
青天碧海堂
堂見丹桂紅棉簇
簇生廣州初春桂花與木棉並開
百里獅洋

開遠浦萬家鱗
屋繞高城竟來嶺
嶠繁華地我亦
惺惺警宦情

嶺表清明

一片春雲著地輕
綠陰庭院雨初晴
誰知嶺表清
明節扁豆花開蟋蟀鳴

安石榴紅似赤砂
蜀葵又放幾枝斜
誰知嶺表清
明節開遍江南五月花

小盞新荷葉已圓
桃花落盡脫輕絲
誰知嶺表清
明節不見高風放紙鳶

嶺南秋日始放紙鳶

曲檻濃陰蠻鳥歌木棉花落放波羅誰知嶺表清
明節蠶已成絲化粉蛾

題

賜珮軒白玉珮

閨中蒙

賜珮聰慧喜

恩長粹美同佳質瑰奇發寶光摩挲開鵲印珍重
韞花囊傳與兒孫看絲絲永吉祥

闌干

十二闌干亞字新巡檐索笑自由身柳風掃翠宜
吹笛花雨黏紅合倚人巧帶廊迴簾不隔低隨徑
轉石相鄰爲何曲曲圍深院待借玲瓏護好春
家人共咏闌干因而有感和女蘿亭韻

夫子作

九曲闌干著意新長凭那合宦遊身試看月榭
風廊外祇稱閒情逸致人鈴閣階深思曳履選
樓窗遠夢比鄰讓伊自在鈎簾處付爾敲詩更
倚春

咏簾

湘簾一桁繫青竿，搖曳珊瑚鈎。靜裏看瘦骨如仙，聲
瑣瑣迴文似縠。畫漫漫，誤遮小燕歸新壘，不隔斜
陽到曲欄。最好詩人幽夢醒，碧紗牕外護輕寒。

澗芳宜人在京師，爲余畫女蘿亭圖，並題詩
寄余。余自題四律，簡荅宜人。

曲几疎簾氣味清，青山林屋自從橫。女蘿牽綠絲
初掛古柏浮香枝，亂生一樹梅花有詞意。余有香
影移梅
半窗蕉葉和琴聲，最憐小築成邱壑。好把新
詞意
圖

詩寫性情

此亭光景本宜余，文選樓前問可如。心靜窗深憑
索句，畫長几淨任翻書。玲峰小立三弓地，雜卉無
多一畝居。莫道家園亭未有，祇須結就不名虛。

當年曾記在京師，蝶夢芳園古蔓垂。入夜竹聲敲
几席，侵晨花影撥簾帷。宦遊處處詩中記，地改時
時畫裏思。瘦弱藤枝無氣力，蒼松原仗與扶持。

合浦雖來不買珠，余從來不
買一珠半生詩草可相娛。傳
經却羨青藜館，故國同懷赤岸湖。千里勞君成畫

卷一時使我壓書厨試看筆底雲烟妙多謝新題
寄此圖

賀月莊姊遷居小琅嬛

羨君卜築小琅嬛
珠海春光暖最先
膝上抱孫裁
臥祿窗前課子摩
吟箋幾層花影紅
如錦一片蕉
陰綠滿天如此官
齋真福地心清身
健似神仙

夏日聯句

最難將息嶺南天古熱著絺蕉冷換棉夫雷雨連
宵涼似水古霧爰到午濕於烟清癯欲比竹邊鶴

月淨妙同觀萍上蓮善藥不如無病好夫長年即
是學神仙古霞

西齋待月

待月西齋無限情
冰輪斜掛樹陰明
乍消瘦體三分
病預借新秋一段
清花覆琴床衣袖
靜香生茶竈
鬢絲輕豆棚閒話
涼如此不覺虛亭
已二更

新秋雨後

簾開明月墮茶甌
雨後尋詩暑忽收
三徑蟲音清
入夜一庭桐影沒
搖秋風生珠海初
拋扇雲捲銀

河直上樓如此碧城多爽氣農田免得主人愁

新秋涼夜有懷

草蟲解訴半秋天
紈扇辭人又隔年
夜色沒分桐影外
雨聲涼到枕函邊
硯凹墨潤詩情遠
甌面茶香漏點傳
今夕暑消足清味
料應闈裏得安眠

癸未年正月二十日爲主人六旬榮壽避

客自往萬竹林中煮茶清坐特畫竹林茶隱

小照謹賦長句恭祝

開春牙燾明節鉞做華屋何乃隱深林超然坐修

竹綠陰透檐楹清光洗耳目試茗春氣融心清展
畫軸原因逢壽辰每每隱山谷况今周甲年更欲
避煩俗民安海無波年豐稻兩熟主人清暇時所
樂在花木子孫繞膝前

帝恩加壽祿

每年今年加

賜福字鹿肉賜壽字

何以祝壽年

新詩各成幅何以却壽筵廉泉茶一劑

主人於堂西架小閣以避霽雨扁曰聽雨小

樓

平樓結就傍檐牙春雨廉纖隔碧紗四壁濕雲圍

燭影一簾寒色落瓶花閒支吟榻翻書葉偶理磁
甌試茗芽如坐小舟人不寐瀟瀟篷背近漁家

詠西堂木棉花

西堂慣見綠陰垂今日花光忽滿枝隔院鬧紅爭
入鏡過牆倩影索題詩深含醉意東風裏濃寫春
痕夕照時仿佛玉蘭高十丈全將鉛粉換胭脂

督署西堂有木棉一株高十餘丈百年樹也
相宅者請伐之余不許今春花盛開女蘿亭
作詩首倡遂和其韻
夫子作

朱霞一片半天垂十丈難攀最上枝

木棉名因攀枝花

在堂西宜夕照若生嶺北更多詩清陰勿翦百
年後濃色常留三月時有此紅雲能捧日牡丹

那得染胭脂

嶺南無牡丹

遊白雲山雲泉山館

舊識雲泉館春深樹影重游蹤林外靜詩意雨餘
濃四壁綠搖水一樓青納峰此間少人到苔滑白
雲封

試茗春天暮尋詩特地來聽泉容緩步倚檻且遲

回竹密全遮戶花高忽有臺更從蒲澗轉一路木
棉開

種茉莉于園田之中每晚令小童收採名曰
茉莉租

署西有廢基種菜似園宅更栽素馨枝花開如雪
白何人管此花小童未三尺雨餘天氣涼香遍疎
籬隔每到晚飯時令童去採摘比似農完租收同
稻與麥笑送入堂來正是斜陽夕小籃引蝶飛清
香滿蒲蓆采蔬更采花花多常護惜捲簾待月明

清賞欲成癖

夏日即景

涼棚高捲雨初晴榕樹團陰爽頓生梁燕歸巢如
有約瓶花落案尙多情紗窗日色薰風細竹簟鑪
香午夢平更喜悠然心賞處荔支鮮浸井華清

微雨初晴

暑氣初添漸解微新晴向晚啟紗幃盈甌茗味清
詩夢隔院榕陰散夕暉臺上風高初罷扇窗前雨
霽尙薰衣月華如雪雲如水涼滿樓檐蝙蝠飛

小琅嬛夜坐

琅嬛小院雨初晴暑退涼生露氣清一面芭蕉三
面柳綠陰深處幾燈明

詠七夕紅荔支

連理枝頭月似弓嶺南鮮荔熟秋風笑他妃子長
生殿七夕何曾見此紅

不寐書懷

月滿回廊睡味闌臨窗自落燭花團閱兵近日曾
經雨寄字連朝未覺寒病減更慚詩句拙愁來常

爲主人寬深宵多少酣眠者心若無憂夢自安

與雲姜孟端登白雲山浴雲樓

登浴雲樓蒲澗邊白雲峰裏破蒼烟雨晴天淨秋
光老日午山空樹影圓農圃參差村屋整夷船迤
邐海帆懸窗中用望遠鏡
盡見黃浦夷船七年城郭無清景今日

才來拜古仙

謂安
期生

花田

鋤成一畝田種花映書屋四時花亂開香澹尤宜
菊

槿林

木槿榮最繁林密礙游路歛袖出花間礙路更多趣

遊學海堂

山堂初構成翼然雲外宅人烟四面低天高海更碧墉影百丈懸竟納一窗隙老樹發新綠密夾石徑窄桃李花正開倩影搖岩壁此間宜詩人晝長春脈脈我無登高才豈能博古籍慕此亦來遊欲歸日將夕主人築此堂他日成名迹子孫若再來

樹木尤愛惜

晝長

晝長無事倚書臺几曲簾疎絕點埃避雨蝶藏花底去趁晴蟬曳柳梢來高齋清靜詩情起午枕幽閒鄉夢回如此年豐民意好早禾收足晚禾栽

偕賜卿雲姜伉儷遊唐荔園

久想紅雲帶雨尋同來綠地看丹林繞亭萬顆詩心遠壓水千株晝意深南國古園聞在昔晚唐佳句得於今明年爾再攜琴到雲姜善琴清散應名擘荔

吟

冬至前三日夜雨

人靜樓東夢未成
深宵獨坐意淒清
蒼苔夜冷蛩無語
翠竹風多漏有聲
詩思未能鐙底得
愁心忽向雨邊生
惠州近日知寒否
可看三千鐵甲兵

接受卿揚州書兼懷季蘭九媛

嶺南長至不知寒
兩次黃花看未殘
聞道家鄉小春候
朔風吹雪滿江干

鐙昏更覺月光明
隔院蛩聲和柝聲
心氣本虛清

睡少懷人詩在枕邊成

暮春雜詠

東風拂簾鈎飛絮
侵書案身倦夢難成
枝頭小鳥喚

幽窗清晝永
樹影搖玲瓏
苔錢含宿雨
點點襯殘紅

午晴天氣新
拈毫吟春老
粉蝶過牆東
雙雙貼芳草

漸見衆芳歇
青春今又殘
何處弄玉笛
一聲落畫

欄

日影西亭西茶烟曲徑曲花頂暫徘徊新葉一齊

綠

遙想選樓外花飛夕陽天游絲喜風定幾縷綠楊
邊

過陽朔看奇峰

九年居嶺南未得奇峰看遠遊往滇池始到陽朔
縣森然列奇峰峰峰入天半參差如筆山濃翠滴
沙岸連舟來如梳峰如髮不斷水如碧玉帶山如

瑤簪貫如髻復如黛如屏亦如案黛色襯明霞嵐
氣浮燦爛再奇奇不去讓與雲峰換過者欲忘餐
沿流愜佳玩曾記過廬山對之驚且歎斯遊更爲
奇幽懷爲一散

望海陽山

青山下有白雲起反訝白雲成白山忽有清風相
引去白山高向半空間

過陡河

洗爰一雨送連舟暑退涼新弄好秋多謝山靈添

女蘇亭詩和卷六
四
漲水管教安穩下全州

蒲帆落處夕陽殘有水行舟甚覺安記得當年腫
河裏漕艘千里最艱難

和 夫子舟中七夕

今夕船窗露氣清雙星疎點月華明身安愛看雲
山影心靜宜聽水石聲千里有懷人易別一舟無

累我先行莫愁三處分佳節

時夫人月莊姊暫住端州書之宜人

揚州贏得川遊句早成

湘源村舍

清湘村落夕陽東茅屋柴門映碧峰蟹舍才添秋
水活牛欄閒倚綠陰濃舟過淺瀨驚孤鶩犬吠疎
籬立老農若論此間真隱僻桃源不合武陵逢

舟中望南嶽

芙蓉
心仄仰衡嶽今看碧色濃天低秋影暹帆轉彩雲
重百里朱陵洞千年峒嶺峰我來湘水上索句向
芙蓉

過南嶽

瀟湘千里下通津七十二峰秋色新女子本無登

嶽志但須心叩魏夫人

日出洞庭湖和 夫子作

日出洞庭湖晨光一鏡鋪天開秋世界水濶宦程
途雲夢遙相望烟霞淡欲無片帆今萬頃知與舊
遊殊

過飛雲洞

南海白衣仙飛來留古跡傾厓懸晴空仙洞秋雲
白登高始相望層巒松百尺及至入洞中盡垂鐘
乳液石頭如卷雲非雲亦非石瓣香拜岩前心淨

烟霞宅仰感到此間道路險且窄稽首向飛檐流
泉響山隙寒衣猶戀瞻行程日恐夕他日入都時
重來拜峭壁

奉和 夫人回揚留別 夫子兼余詩原韻

欲和 夫人賜我詩慈顏那忍暫分離閒裁楮帖
填詞格悶對梅花啟硯池夜永夢魂隨雁遠天寒
心緒向雲思 主人清健滇南好特慰遙懷并寄
知

冬日懷問季淳

福壽庭前想結冰
平山攬勝幾回登
應生志趣書
爲友料惜年光
硯作朋
十月案頭知傲菊
三更窗
下尙垂鐙
與兄同是蒙
恩澤共慰高堂望
可能

時兩兄皆將以大臣子
得官季淳先已得廕

四知樓遣悶

鸚鵡先眠人未眠
柝聲閣閣繞樓邊
官齋住我多
清靜遙夜殘
冬似小年
紛紛落葉打窗紗
香盡房櫳燭半斜
欹枕閉門思
遠道任他明月照梅花

宜園新綠

推窗一望綠成陰
紅褪橋頭水接林
雨過宜亭烟
漠漠人來仙館意
沉沉已教蜂釀花
皆熟未許蟬
知翠漸深爲憶選樓諸淑媛
此時林下也幽尋

賜卿書齋忽來雙綠蝶

曉起綠雲西角開
吉祥奇蝶忽徘徊
仙人要索新
詩句特遣雙雙花頂來

宜園清明

佳節清明後
滇池二月中
春光不生雨
嵐氣盡成

風老樹翻新綠殘花剩晚紅昨宵有鄉夢身在選樓東

登致爽軒西木臺

臺起節樓西雲關鎖碧雞晚來青靄合雨後綠田齊華浦漁舟小滇城雉堞低東山已登眺更此踏層梯

石橋欄朽以老柏枯槎代之

天然古柏槎橫爲石橋欄觀魚照秋水撫此相盤桓

送夫子深秋閱迤西兵

又閱迤西鐵甲兵行程剛是雨新晴一番黃菊生鄉夢千里西風送遠情昆海雲飛涼樹影雄關霜薄老秋聲途中應有欣然趣洱海蒼山處處清

秋日登大觀樓望昆明海

登臨破曉到滄洲滇水無風一片秋海勢欲浮山影去雲頭頻倚日光流參差烟樹翠凝濕零亂艤幢帆乍收屈指宦遊今萬里望湖黃鶴大觀樓

黑龍潭唐梅

玉幹珠花抱一淵
宛如鱗爪起春前
南雲久共仙人立
東嶺惟同老鶴眠
薄暝嫩寒溟海路
暗香疎影古時天
潭邊松柏知多少
鐵石輸他九百年

東園花月

幾度春宵得緩行
東園清景最分明
好花礙路人迴影
皓月欺燈夜有情
潑刺遊魚池上響
培塿老鶴樹陰鳴
一家聯韻鄉心遠
忽訝鐘樓轉二更

西郊春行

西郊光景在朝暎
十里芳林望海源
紅遠山樓何

處寺綠深村舍不知門
平沙碎石三叉路
碧水青天一道痕
最是漁舟帆影外
溟池風靜弄春溫

牡丹一枝開極大

帶笑看難足
花中最有神
未經三月雨
先滿十分春
艷重欲驚蝶
香濃將醉人
一枝無二比
傾國壓芳塵

鷺巢

羣鷺來昆池
結巢在高柏
飛翔半晴空
引雛屬玉白
鳩鵲莫相爭
瑤花滿園宅

女蘇亭詩稿卷六
宜園春日

宜園佳處可徘徊每爲幽尋步碧苔樹底綠陰鸚
鵡坐雨中紅淚杜鵑開深春倦眼花排去曲徑清
香草送來閣外飭簫火入耳清明消息已先回

春日寄受卿孟端伉儷揚州

忽聞歸鴈意悠然天際遙將便羽傳萬里客懷成
小病兩春詩思付流年浮雲目斷江城外落日花
飛昆海邊料得家園修竹好平安寄我行波箋

仙館初秋

西臺觀稼綠盈田還到東園仙館前三起三眠人
字柳一花一葉佛書蓮穿林鸚鵡皆蠻語食椽蠶
蛾似浙絲雨氣雖涼風氣暖木犀香裏早秋天

病起寄 夫人并書之宜人

瘦骨力難支新霜鏡裏知三春稀見月百日未離
醫夢亂愁宵永天遙寄字遲邗江聞病起是妾再
生時

翠海海心亭拜

觀音

翠海亭邊砌石闌

海心亭石板及石闌皆余新砌

倚闌遙對碧雞

關樓東荷密疑無水城外雲深認有山龕影清嚴
塵夢轉鑪香浮動夕陽閑宛然一片光明境記我
回生拜 佛還

余二月病危夢觀音始得回生

送月莊姊攜子媳孫男女歸揚州

二月行程近牡丹春風陌上百花看君歸邗水多
清福我在滇池托遠安身健課孫還養靜病除覓
句不知寒莫愁此別何時聚攜手春明又合歡

宜園

窄窄園門曲曲池亭臺風景又秋時雨喧蕉葉兼
荷葉露墜梨枝與柿枝鶴步引人平作逕葵花和
竹夾成籬眼前自得幽閒趣此趣江鄉却未知
山石玲瓏竹徑斜風鑪隨處煮新茶雲開老圃秋
容淡鴉入疎林暮色遮多病未宜開戶雨得閒且
看隔簾花官齋寂靜清如水但把詩篇記物華

辛卯正月十日甲子辰巳時彩雲現于東南

備紅黃紫藍綠五色

雲南原是彩雲天未見祥雲已四年辛卯初春晴

日裏忽看五色照清瀆



